



Tunumi aalisarnerup 2024-mi ineriartortitsiffiunera pillugu nalunaarusiaq

2024-2030 Tunumi aalisarnermi ineriartortitsinissamut pilersaarut naapertorlugu

*Aalisarnermut, Piniarnermut, Nunalerinermut Imminullu Pilersornermut Naalakkersuisoqarfimmit 2025-mi
suliarineqartoq*



1 Siulequtsiussaq

Piffissamut 2024-2030-mut *Tunumi aalisarnermik ineriartortitsineq pillugu pilersaarut* (matuma kingorna ineriartortitsineq pillugu pilersaarut) Naalakkersuisunit 2024-mi akuerineqarpoq¹. Ineriartortitsineq pillugu pilersaarut Tunumi sinerissap qanittuani aalisarnerup 2030-p tungaanut qanoq ineriartortinnissaanut anguniarneqarnissaanullu suliniuteqartoqarpoq. Ineriartortitsineq pillugu pilersaarut Tunumi Aalisarnerup ineriartortinnissaa pillugu Suleqatigiissitamit (AG Tunu) 2021-2023-mi katersorneqartut ilisimasat tunuliaqutaralugit pilersinneqarpoq. Suleqatigiissitaq ukunannga peqataaffigineqarpoq: Aalisarnermut Piniarnermullu Naalakkersuisoqarfik; KNAPK, kiisalu Tunumi najukkami KNAPK-meersunik sinniisuutitat, Aalisartunut Piniartunullu Siunnersuisarfik (AAPISI), Arctic Prime Fisheries ApS (APF), Royal Greenland A/S aamma Kommuneqarfik Sermersooq. Suleqatigiissitaq taanna maannakkut Aqutsisoqatigiinnut allanngortinneqarpoq, ukiukkaartumik naapittartussaq ilaatigullu ineriartortitsineq pillugu pilersaarummik nalilersuisartussaq.

Ineriartortitsinissaq pillugu pilersaarummi anguniagaq 8-mi aalajangersarneqarpoq ineriartortitsineq pillugu pilersaarummi siuariarnernik allannguutaasinnaasunillu ukiut tamaasa nalilersuisoqartassasoq. Ilanngussaq 1-imi ineriartortitsineq pillugu pilersaarummi anguniakkat tamaasa pillugit takussutissiami takutinneqarput.

1.1 Paasissutissat

Nalilersuinermut matumunnga paasissutissat apersuilluni immersugassakkut katersorneqarput, april 2025-mi Tasiilami Aalisarnerq pillugu isumasioqatigiinnermi agguanneqartut. Taakku saniatigut aalisarnerq pillugu paasissutissaasivimmi LULI-mi aamma 2022-2024-imeersut aningaasaqarnikkut nalunaarutinit paasissutissat atorineqarput.

Paasissutissat 2023-meersut aamma 2024-imeersut atorineqassapput, ineriartorneq pillugu pilersaarut 2022 tikillugu paasissutissanik aallaaveqarmat.

2 Anguniakkat malitseqartinneri

Ineriartortitsineq pillugu pilersaarummi anguniagaq 7-mi anguniakkanik aalajangersaasoqarpoq kisitsit atorlugit aalisarnermi ineriartornermik nalilersuisoqassasoq. Anguniakkat taakku ukiukkaartumik nalilersorneqartassapput, taamaalilluni ineriartorneq malinnaavigeqqissaarneqarsinnaalluni. Assersuusiornermut 2022 tunngaviussasoq aalajangerneqarpoq (ukioq taanna aallaavigalugu ineriartorneq nalilersuutigineqassalluni).

Anguniagaq 7.1 Aalisartut ingerlataqartut amerlassusii 2030-mi 40%-nik amerlanerulersimassasut

	2022	2024	Ineriartorneq %-inngorlugu	Anguniagaq %-inngorlugu
Amerlassusaat	55	81	47%	40%

Takuneqarsinnaasutut 2030 nallertinnagu aalisartut 40%-imik amerlanerulersimanissaat anguneqareersimavoq. Taamaattorli kisitsit 2023-mi qaffasinneruvoq, aalisartut 92-it. Aalisartut ingerlataqartut aalisaannarnissaat taamaattumik anguniarneqarpoq.

¹ Tunumi aalisarnermi ineriartortitsinissamut pilersaarut [Naalakkersuisut.gl-imi](https://naalakkersuisut.gl/imi) atuaruk



Anguniagaq 7.2 Pisat annertussusaat 2030-mi 30%-imik qaffassimassapput.

	2022	2024	Ineriartorneq %-inngorlugu	Anguniagaq %-inngorlugu
Qalerallit	99	124		
Saarulliit	329	268		
Aalisakkat allat	7	9		
Katillugit	435	401	-8%	30%

Takuneqarsinnaasutut ineriartorneq 2022-mili pitsaanngitsumik ingerlalersimavoq, 8%-imillu appariarsimalluni. Apersuilluni immersugassatigut misissuinerimi immikkoortoq 3-mi takuneqarsinnaasutut sikorsuit 2024-mi immikkorluinnaq pititsisimapput, tamannalu aalisarnermut pitsaanngitsumik sunniuteqarsimalluni.

Anguniagaq 7.3 Aalisartut isertitaat 2030-mi 25%-nik annertulerulersimassasut.

	2022	2024	Ineriartorneq %-inngorlugu	Anguniagaq %-inngorlugu
Nalinga	57.000	48.000	-16%	25%

Takuneqarsinnaasutut 2022-mili ineriartorneq pitsaanngitsumik ingerlalersimavoq, aalisarnermiillu isertitat agguaqatigiissinnerini 2022-miilli 15,8%-imik appariarsimallutik. Tamanna 2022-mili aalisartut amerlanerusut aalisalersimanerannut naapertuuppoq, tamakkiisumilli 2022-mut naleqqiullugu aalisakkanik ikinnerusunik pisaqartoqarsimalluni.

3 Apersuilluni immersugassatigut misissuineq

Suleqatigiissitaq (AG Tunu) Tunumi aalisartut akornanni apersuilluni immersugassatigut misissuinermik 2023-mi naammassisaqarpoq. Misissuinerimi siunertaq tassaasimavoq aalisartut aalisarnermut isumaannik pitsaanerusumik paasisaqarnissaq, aalisarnermilu siunissaq qanoq isigineraat. Misissuineq Ineriartortitsineq pillugu pilersaarutit ilaatut ilaavoq.

Ineriartortitsineq pillugu pilersaarummi anguniagaq 3.5-imi aalisarnerup ineriartortinneranik malinnaasussamik kisitsisitigut isiginninnermut iluaqutaasussamik apersuilluni immersugassatigut ukiukkaartumik misissuisoqartassasoq.

Apersuilluni immersugassatigut misissuineq Tasiilami Aalisarnek pillugu isumasioqatigiinnermut atatillugu april 2025-mi naammassineqarpoq. Apersuilluni immersugassiaq ilaatigut ukiut siuliinut naleqqiullugu 2024-mi nammineq aalisarsimaneq kiisalu ukiuni kingullerni pissusiulersimasunik sunik takusaqarsimanersut aamma siunissami sunik takusaqarumaarnersut pillugu apeqqutinik imaqarpoq². Inuit 15-it apersuilluni immersugassanik akissuteqarsimapput, taakkunanngalu 14-it inuussutissarsiornissamut akuersissuteqarlutik. Inuit arfineq pingasut najugaqarfinit mikinerusuneerput, arfineq marlullu najugaqarfinit anginerusuneerlutik. Inuussutissarsiutigalugu aalisartut tamarmik saarullinnut qaleralinnullu akuersissutaateqarput.

² Apersuilluni immersuiffissap assilineri Aalisarnermut, Piniarnermut, Nunalerinnermut Imminullu Pilersornermut Naalakkersuisoqarfimmut apn@nanog.gl attaveqarnikkut pineqarsinnaavoq.



Aalisarnermi atortut peqataasut akornanni atugaanerpaasut tassaasimapput ningittakkat tulluullutik akkersanik aalisarneq/aalisarnermi amuarfik, taakkunannga pingasuinnaat qassutini atuillutik. Qassutit kivisittakkat Tunumi atorneqassanersut pillugit apeqqummi akissuteqartut isumaqatigiinngillat, annikitsumik amerlanerussuteqartut isumaqarlutik taakku atorneqartariaqanngitsut. Tassani isummat tassaasimapput assigiinngitsut atorlugit aalisarneq misiligarneqassasoq, allallu isumaqarlutik mianersortoqartariaqartoq, tassa immap naqqa maniimmat sikorsuillu pissutigalugit qassutit kivisittakkat annaaneqarsinnaammata.

Aalisartut aamma 2023-mut naleqqiullugu 2024-mi qanoq annertutigisumik pisaqarsimanersut aperineqarput. Tassani arfinillit akipput 2024-mi pisaqarnerusimallutik, tallimat annikinnerusumik pisaqarsimallutik marlullu annertoqataanik pisaqarsimallutik. Pisaqarnerusimasut aalisarnermi atortutigit pitsaanerusumillu umiatsiaqarnertik pissutaasoq tunngavilersuutigaat. Pisat annikillisimanerarlugit oqaaseqartut isumaqarput sikorsuit peqqutaallutik annikinnerusumik pisaqarsimallutik.

Ukiut tallimat matuma siornamut naleqqiullugu maannakkut aalisagaqarnersoq pillugu apeqqummi isummat akuleriipput; 40%-it isumaqarlutik peqarnera annikinnerulersimasoq, 40%-it isumaqarlutik peqarnera annertunerulersimasoq 20%-illu isumaqarlutik allanngortoqarsimanngitsuoq. Apeqqummut tassunga atatillugu ukiup ataatsip matuma siorna, 80%-it isumaqarput ukiup ataatsip matuma siornatigusulli aalisagaqartinngitsuoq, 20%-illu isumaqarlutik ukiup ataatsip ingerlanerani peqassusia annertusisimasoq. Aalisartulli peqassutsip siunissami annertussinissaa pillugu isumalluarput, aalisarneq pitsaanerulersimalluni, aamma ukiut aalisagaqarluarfiusut takkutilersut.

Suliassa qarfiit sulissutigeqqinneqartussat tassaapput tunisinermi akit qaffasinnerulernissaat. Taamaattorli Tunumi sikorsuaqartarnera anorilu pissutaallutik aalisarnermut sunniuteqartarput. Tamatuma saniatigut aalisartut isumaqarput maannakkut umiatsiaaraasut taarsersornissaannut Tunumut tapiissutit annertusineqassasut.

Apersuilluni immersugassiami akissutit takusaqarfiginiarlugit ilanngussaq 2 takuuk.

4 Ineriartortitsinermi pilersaarummi 2024-mi ingerlatat

Immikkoortumi tassani ingerlatat aallartinneqarsimasut, naammassineqarsimasut pilersaarutigisallu allaaserineqassapput. Ingerlatat taakku tamarmik Ineriartortitsineq pillugu pilersaarummi anguniakkamut anguniakkallu ilaannut innersuussipput. Ineriartortitsineq pillugu pilersaarummi anguniakkanik killiffiit pillugit takussutissiaq ilanngussaq 1-imi takuneqarsinnaavoq.

4.1 Ingerlatat naammassineqarsimasut

Tasiilami aalisarneq pillugu isumasioqatigiinneq

- Tunumi aalisartunut Tasiilami aalisarneq pillugu isumasioqatigiinneq april 2024-mi ingerlanneqarpoq. Isumasioqatigiinneq ullunik pingasunik sivilissuseqarpoq. Tassani Ineriartortitsineq pillugu pilersaarut aalisarnerullu ineriartortinnerata aallartinnaannut suut pilersaarutaanersut taakkununga saqqummiunneqarput. Taakku saniatigut suliamik saqqummiunnaannut soqutigisaqartut assigiinngitsut periarfissinneqarput, aalisartulli Naalakkersuisoqarfiup, Kommunip ingerlataqartulli namminersortut aallartinnaannut isummanik pitsannguutissatulli siunnersuutini saqqummiussinissamut periarfissinneqarlutik.



Anguniagaq 1.1: *Tunumi aalisartut piniartullu aalisarneq pillugu isumasioqatigiisinnerneqarnissaat, assersuutigalugu nipisanut, saarullinnut sikukkullu aalisarnermut tunngatillugit*

- April 2024-mi Tasiilami Aalisarneq pillugu isumasioqatigiinnermi aalisartuq Nuummeersoq nipisanniarneq saarullinniarnertu pillugit saqqummiussivoq. Saqqummiussinnermi aalisartut Tunumeersut apeqquteqarnissamut periarfissinneqarput, isumasioqatigiinnerullu ingerlanerani aamma periarfissinneqarlutik. Saqqummiussineq aalisarnermi aalisarnermullu attuumassuteqartunik pikkorissarnerit pillugit aalisartuniit arlalinnik apeqqutiniq pilersitsivoq.

Anguniagaq 8.1: *Suleqatigiissitat (AG Tunu) ineriartortitsinerimik pilersaarummik atuutsitsilertussatut akisussaaffilerlugit aqutsisooqatigiinnagortinneqarput.*

- September 2023 AG Tuumi ataatsimiittoqarpoq. Tassani suleqatigiissitaq aqutsisooqatigiinnut allannagortinneqarpoq.

Anguniagaq 9.1: *Ineriartortitsinerimik suliniutinullu anginerusunut tapiissutit pillugit aalisartut, kommuni ingerlataqartut allat suleqatigalugit anguniakkanik 1-miit 7-mut Paasisaqarneq.*

- Tamanna 2024-mi Tasiilami Aalisarneq pillugu isumasioqatigiinnermut oqallisigineqarpoq. Isumassarsiani eqqaaneqartut ilaat tassaavoq tunitsiviit amerlanerulernissaat qullukkiorinnaanerlu. 2024-mi suliniutit taakku aallartinneqanngillat. Aningaasanut inatsimmi konto 50.01.20 aqutugalugu ineriartortitsilluni pilersaarummik saqqummiussinissamut tapiissutinillu qinnuteqarnissamut aalisartut siunissami periarfissaqalissapput.

2024-mi suliniutit allat ilagaat Tunumi saarullinnut tunngasumik aqutsiveqarfimmik pilersitsisoqarnera. Tamatuma saniatigut aqutsiveqarfimmi tassani nipisannik aalisarneq pilersinneqarpoq, taamaalillutik aalisartut nipisannik tunisisinnaanngorlutik. Tamannalu isumaqarpoq sinerissap qanittuani aalisarnerni tamani aqutsiveqarfimmik ataatsimik Tunumi pilersitsisoqarneranik, tassungalu atatillugu Tunumut aqutsiveqarfimmik aalajangersimasumik naleqqussaasoqarluni.

4.2 Suliniutit aallartinneqarsimasut

Anguniagaq 4.1: *Royal Greenland A/S-mik qanimut ataqatigiissaareqateqarluni Tasiilami tunitsivimmik pilersitsinissaq.*

Anguniagaq 6.3: *Tasiilami containerinut umiarsualiviup allilerneqarnissaa aamma Kuummiuni umiarsualiviup assigiinngitsunut atorneqarsinnaanngorlugu allannagortinneqarnissaa.*

- Royal Greenland A/S 2024-ip ingerlanerani Tasiilami umiarsualiviup eqqaani qaartiterisimavoq, aalisakkeriviup Tasiilami sanaartornissaanut inissaq pilersinniarlugu. Assigiinngitsunik peqquteqartumik sanaartorneq kinguaattoorsimavoq, 2025-mi julip ingerlanerani inuussutissalerinnermut oqartussaniit akuersissutit kingulliit pineqassasut naatsorsuutigineqarpoq.

Anguniagaq 1.2: *ERFA-imik suleqatigiinnik Kitaani Tunumilu KNAPK suleqatigalugu aalisartut akornanni misilittakkanik avitseqatigiittoqartarnissaa qulakkeerniarlugu pilersitsineq.*

- Tunumi Aqutsisoqatigiinnik 2024-mi upernaakkut pilersitsinnermut atatillugu tamatuma peqatigisaanik ERFA-mi suleqatigiinnik pilersitsinissamut suliniuteqartoqarpoq. ERFA-mi suleqatigiit KNAPK suleqatigalugu Kommuneqarfik Sermersuumit aquuneqassapput.



Anguniagaq 1.3: AAPISI aqqutigalugit missingersuusiornermut, imaatigut isumannaatsuunissamut il. il. tunngasunik pikkorissaanerit attuumassuteqartut, Eqqiluisaarnermut il. il. UNIO aqqutigalugu pikkorissaanerit.

- Tasiilami 2024-mi Aalisarnek pillugu isumasioqatigiinnermi eqqiluisaarneq pillugu UNIO aalisartunik pikkorissartitsivoq. Isumasioqatigiinnermi eqqiluisaarneq pillugu kiisalu missingersuusiorneq motoorilerinerlu pillugit pikkorissaaqqinnernik aalisartut ujartuipput.

Anguniagaq 2.1: Tunumi ESU aqqutigalugu tapiissutit annertusineqarnissaat, ilaatigut aalisartunut pitsaanerusumik ilisimatitsissuteqartarnikkut ilitersuisarnikkullu.

Aalisarnek pillugu isumasioqatigiinnermi Naalakkersuisoqarfik ESU pillugu malittarisassanik saqqummiussivoq, umiatsiaaqaanullu pisineri tapiiffigineqarnissamik qinnuteqarnissamut periarfissaq ilanngullugu.

Najugaq	Umiatsiaaqqanut neriorsuutit amerlassusii 2024
Tasiilaq	1
Kuummiut	1
I alt	2

Anguniagaq 2.4: Tunitsivinniit aalisarnermi atortut

- Tasiilami tunitsivik aalisarnermi atortunik assigisaanillu pisiniarfiliornissamut periarfissamik misissuerusuppoq. Suliniummut tassunga suliamik ingerlatsisoqarpoq.

Anguniagaq 2.3: Aningaasanut inatsimmi konto 50.01.20 sukkanerusumik ineriartortitsinissamut atorineqarsinnaasoq aqqutigalugu aalisarnermi atortussanut amerlanerusunut tapiissuteqarnissaaq

Anguniagaq 5.2: Misileraalluni aalisarnermut 50.01.20 aqqutigalugu tapiissuteqarnissamut periarfissanik qulakkeerinninneq, ilaatigut aalisarnermi atortutunut atatillugu.

- Aalisarnermi pilersaarutinut 1.165.000 kr.-it 2024-mi immikkoortinneqarsimapput, taakkunannga 1 mio. kr.-it Tunumi aalisarnermik ineriartortitsinermi suliniutinut atugassanngortinneqarsimallutik. Tasiilami isumasioqatigiinnerup ingerlanneqarnerata kingorna Tunumi aalisartuniit qinnuteqaaterpassuarnik Naalakkersuisoqarfik tigusaqarpoq, aningaasat ikippallaarneri pissutigalugit tamarmik akuerineqarsimanatik. Taamaattumik aningaasanut inatsimmi kontomit allamiit missingersuutinut sunniuteqanngitsumik ilassutitut aningaasaliissutit 350.000 kr.-it qinnutigineqarput. Taamaalluni aalisarnermi pilersaarutinut 2024-mi 1.515.000 kr.-iusimapput, taakkunannga 1.350.000 kr.-it Tunumi atugassiissutaallutik. Aningaasat tamarmik 2024-mi atorineqarput.

Ulloq	Suliniut	Amerlassut sit	Sumiif- fik	Aningaasartaat (kr.)
-------	----------	-------------------	----------------	-------------------------



21-04-2024	Tasiilami aalisarneq pillugu isumasioqatigiinneq	15	Tasiilaq	348.413,00
05-06-2024	Tunumi ineriartortitsinermi aningaasat - siullermik aningaasaliissutit	12	Tunu	742.983,00
08-07-2024	Tunumi ineriartortitsinermi aningaasat - aappassaanik aningaasaliineq	3	Tunu	172.910,00
22-10-2024	Tunumi ineriartortitsinermi aningaasat - pingajussaanik aningaasaliineq	1	Tunu	66.999,00
19-11-2024	Tunumi ineriartortitsinermi aningaasat - pingajussaanik aningaasaliineq	1	Tunu	35.000,00
Atuineq tamarmiusoq				1.366.305,00 kr.

Anguniagaq 5.1: *Aalisarnermik ineriartortitsineq tapersersorniarlugu pisariaqartitsineq naapertorlugu immikkut malittarisassaliorneq.*

- Tunumi immikkut malittarisassaliornissamut pisariaqartitsisoqarneranut naleqqiullugu aalisartunik aamma Tunu pillugu aqutsisoqatigiinnik naalakkersuisoqarfik oqaloqateqarpoq. Ulloq manna tikillugu pisariaqartitsisoqarneranik oqariartortoqanngilaq, taamaattumillu maannamut immikkut ittumik maluttarisassiortoqarsimanngilaq.

Anguniagaq 5.4: *Sikoqarneranut pissutsit pillugit aalisartunut paasissutissiineq, sikut pillugit immap assingatigut - DMI.*

- DMI Tunu pillugu immikkut sikut pillugit nunap assiliornissaanut inerisaasimavoq. Taakku aalisarneq pillugu isumasioqatigiinnermi aalisartunut takutinneqarput, aalisartullu pitsaannerusumik pilersaarusiornissaannut nunap assinginik pitsaannerusunik pisariaqartitsisoqarnera takutinneqarluni - aasaanerani ukiuuneranilu. Ukiumi ataatsimi piffissami misileraaffiusussami aningaasanik pisariaqartinneqartunik katersiniarluni naalakkersuisoqarfik suliaqarpoq, Tunumi Tasiilap nunaqarfiillu eqqaanni sinerissamut qanittumiittut pillugit sikut pillugit DMI sullississalluni. Sumiiffik aalisartut peqatigalugit immikkut toqqarneqarsimavoq.

Anguniagaq 8.2: *Aqutsisooqatigiit ukiumut ataasiarlutik marloriarlutilluunniit ataatsimeeqatigiittassasut ukiumoortumillu Naalakkersuisunut Inatsisartunullu nalunaarlusiortassasut.*

Anguniagaq 8.3: *Ineriartortitsinissamik pilersaarutip ingerlaneraniq allannguutaasinnaasunillu nalilersuisarnissaq.*

- Aqutsisoqatigiinni ukiumut ataasiarluni ataatsimiittoqartarpoq. Tullianik ataatsimiinneq 2025-mi ukiakkut ingerlanneqassaaq, tassani aamma ineriartortitsinermi pilersaarummi siuariartoqarsimaneq pillugu naliliisoqassalluni, aamma allannguisoqartariaqarneris pillugu.



5 2025-mi suliassatut pilersaarutit

Ineriartortitsinissamut pilersaarut naapertorlugu 2025-mi pisussatut pilersaarutaapput:

1.1 *Aalisarnermut tunngasunik 2025-mi aalajangersimasumik qulequtaqarluni suleqatigiisitsineq:* Tasiilami aalisarneq pillugu 2024-mi ataatsimiisitsisimanermut malitseqartitsineq, tassungalu atatillugu aalisartunik pikkorissaanerit.

1.3 *Pikkorissarnerit naleqquttut:* KONFIFA suleqatigalugu pikkorissarnissat ujartorneqartut, aningaasaqarneq pillugu siumoortumik missingersuusiorneq motoorilerinermillu pikkorissarnissaq aammalu VMFG suleqatigalugu eqqiluisaarnermut il. il. pikkorissarnerit.

2.1 *Tunumi ESU-mit tapiissutigineqartartut amerlineqarnissaat, matumani ilaatigut aalisartunut ilisimatitsissuteqartarnikkut ilitsersuisarnikkullu:* Aalisarneq Pillugu isumasioqatigiinnermi saqqummiussinissamik pilersaarussiaq aammalu ESU-mi tapiissutit pillugit ilitsersuineq: Immikkut sammeneqarlutik Tunumi tapiissutit pillugit sullissineq.

2.3 *Aalisarnerup ineriartortinneqarneranut tapersersuineq aningaasanut Inatsimmi konto pingaarneq 50.01.20 aqqutigalugu:* Suliamut konto aqqutigalugu aalisarnermi atortunik aalisartunut akiliuteqartarnerup ingerlatiinnarnissaa.

3.4. *Aalisarnermik ineriartortitsinermut aalisarnermillu paasissutissanut pitsaanerusunut tunngatillugit ukiumoortumik nalunaarusiat:* 2024-mut nalunaarusiornermik suliaqarnissaq.

3.5. *Sumiiffiit aalisarfiusinnaasut sumiissusersiniarlugit aalisarnermik ineriartortitsinermut atatillugu ukiumoortumik immersugassanik apeqquitalinnik misissuineq:* Tunumi aalisartunik apersuilluni misissuinnermi immersugassaq atorlugu misissuineq.

4.1 *Tasiilami tunitsivimmik 2025-mi pilersitsinissaq eqqarsaatigalugu qanimut Royal Greenlandimik ataqatigiissaareqateqarneq.*

4.2 *Amerlanerusunik tunitsiveqartoqalernissaa ikorfartorniarlugu aalisarnermut amerlanerusut isertinnissaannut atatillugu tunitsivinnik qanimut ataqatigiissaareqatigiinnerneq.*

4.4 *Kommuni peqatigalugu 2026 nallertinnagu Ittoqqortoormiini tunitsivimmik ammaanissamut pilersaarusiorneq:* Puisit amiinik orsuaat pillugu eqqartuinerit, siusinnerusukkut nunami tulaassivik, sumiiffimmilu piniarnermik aalisarnermillu periarfissat.

5.1 *Tunup sineriaata qanittuani aalisagaqatigiinnut tamanut aqutsivissat immikkoortut:* Tunumi Qaanaamilu angallatit 6 meterinit takinerusunut tapiissuteqartarneq pillugu piumasaqaatinik Aalisarnermut aningaasaliissutitut immikkoortitat pillugit oqilisaaniarluni nalunaarummik suliaqarneq.

5.2 *Misileraalluni aalisarneq konto 50.01.20 aqqutigalugu tapersersuinissamut periarfissat, aalisarnermi atortut eqqarsaatigalugit qulakkeerneqassaaq.*

Aqutsisooqatigiinni killiffissiulluni eqqartueqatigiinneq siunissamilu aqutsisooqatigiit sileriaasissaat pillugu ataatsimiinneq.



Ilanngussaq 1 - Ineriartortisinermi pilersaarummi anguniakkat anguniakkallu ilai pillugit takussutissiaq

Anguniagaq 1 - Aalisarnermut atatillugu misilittagassarsiornerit	Piffissaq	Killiffik
1.1 Tunumi aalisartut piniartullu aalisarneq pillugu isumasioqatigiisinnerneqarnissaat, assersuutigalugu nipisanut, saarullinnut sikukkullu aalisarnermut tunngatillugit	2024+2025	
1.2 ERFA-imi suleqatigiinnik Kitaani Tunumilu KNAPK suleqatigalugu aalisartut akornanni misilittakkanik avitseqatigiittoqartarnissaa qulakkeerniarlugu pilersitsineq	2024	
1.3 Pikkorissaanerit naleqquttut, missingersuusiorneq, imaatigut isumannaatsuunissaq il. il.. UNIO allallu aqutigalugit eqqiluisaarnermik AAPISI aqutigalugu pikkorissaanerit	2024-2023	
Anguniagaq 2 - Aalisarnermi atortunik pitsanngorsaanerit		
2.1 Tunumi ESU-mit tapiissutigineqartartut annertusineqarnissaat, matumani ilaatigut aalisartunut ilisimatitsissuteqartarnikkut ilitsersuisarnikkullu.	2024-2030	
2.2 Angallatitaarnissamut ESU aqutigalugu tapiissuteqartarnissaa eqqarsaatigalugu imminut aningaasalersornerup sinneri 16%-usut pillugit aningaasaliissuteqarnissamut aningaaserivinnik oqaloqateqarneq	2024-2025	
2.3 Aningaasanut inatsimmi konto 50.01.20 sukkannerusumik ineriartortitsinissamut atorqeersinnaasoq aqutigalugu aalisarnermi atortussanut amerlanerusunut tapiissuteqarnissaa	2023-2030	
2.4 Aalisarnermi atortut tunitsivinnersut	2023-2030	
Anguniagaq 3 - Tunumi aalisarneq pillugu paasissutissanik ilisimasanillu pitsanngorsaanerit		
3.1 Misileraalluni aalisarnermi ilisimalikkannik paasissutissanillu aalisartunut atugassanik siammarterinerunissaq	2024-2030	
3.2 Aalisakkerivinni uuttortarneqarsimasunik ipiutaasartaanillu misissugassatut tigusanik katersisoqareerneratigut paasissutissanik katersaateqarnerulertoqarnissaa	2024-siumut	
3.3 Ittoqqortoormiit eqqaanni Pinngortitaleriffimmik suleqateqarluni tunitsiveqarfiumngitsuni misileraalluni aalisartitsisimanernit uuttortakkanik katersineq	2024-siumut	
3.4 Aalisarnermik ineriartortitsinermut aalisarnermillu paasissutissanut pitsaanerusunut tunngatillugit ukiumoortumik nalunaarusiat	2025-2030	
3.5 Sumiiffiit aalisarfiusinnaasut sumiissusersiniarlugit aalisarnermik ineriartortitsinermut atatillugu ukiumoortumik immersugassanik apeqqutitalinnik misissuineq,	2025-2023	
3.6 Tunumi sineriammut qanittumi ilisimatusaatigalugu ukiumoortumik misissuisoqartarnissaanut aningaasanut inatsit aqutigalugu aningaasaliissutissanik immikkoortitsisoqartassaaq	2028-siumut	
Anguniagaq 4 - Tunitsivissatigut periarfissanik pitsanngorsaanerit		
4.1 Tasiilami tunitsivimmik pilersitsinissaa eqqarsaatigalugu qanimut Royal Greenlandimik ataqatigiissaareqateqarneq Tasiilami tunitsivimmik pilersitsinissaa	2023-2024	
4.2 Amerlanerusunik tunitsiveqartoqalernissaa ikorfartorniarlugu aalisarnermut amerlanerusut isertinnissaannut atatillugu tunitsivinnik ataqatigiissaareqatigiinneruneq	2023-siumut	
4.3 Kommuni peqatigalugu Ittoqqortoormiini tunitsivimmik ammaasoqarnissaanut pilersaarusiornissaa	2026-siumut	
Anguniagaq 5 - Tunumi aalisarnermut aqutsinikkut sinaakkutissanik pitsanngorsaanerit		



5.1 Aalisarnermik ineriartortitsineq tapersersorniarlugu pisariaqartitsineq naapertorlugu immikkut malittarisassaliorneq	ingerlaavartumik	
5.2 Aalisarnermut atortunut atatillugu misileraalluni aalisarnermut 50.01.20 aqutugalugu tapersersuinissamut periarfissat qulakkeerneqarneri	2024-2030	
5.3 Aalisarnermi atugassarititaasunut atatillugu allannguuteqartitsisoqarnissaanut atatillugu 2014-2023-mi misileraalluni aalisartitsinermik nalilersuineq	2023-2024	
5.4 Sikoqarneranut pissutsit pillugit aalisartunut paasissutissiineq, sikut pillugit immap assingatigut - DMI	2025	
Anguniagaq 6 -Tunumi nunap iluani attaveqaasersuutit pitsaanerit		
6.1 Umiarsualivinnut tunngatillugu immikkoortunut pilersaarut 2017-2027 naapertorlugu Nunap immikkoortuani Tunumi pisariaqartitanik nalunaarsuisarnissaq	2023	
6.2 Umiarsualivinnut tunngatillugu immikkoortunut pilersaarut 2017-2027 naapertorlugu Nunap immikkoortuani Tunumi aserfallatsaaliineq nutarterinerlu	2024	
6.3 Tasiilami containerinut umiarsualiviup allilerneqarnissaa aamma Kuummiuni umiarsualiviup assigiinngitsunut atorineqarsinnaangorlugu allanngortinneqarnissaa.	2025-2026	
Anguniagaq 7 - Tunumi aalisarneq imminut akilersinnaanerusoq		
7.1 Aalisartut 2030-mi 40%-nik amerlanerulersimassasut	2023-2030	
7.2 Pisat annertussusaat 2030-p tungaanut 30%-nik amerlineqarsimassasut	2023-2030	
7.3 Aalisartut isertitaat 2030-mi 25%-nik amerlineqarsimassasut	2023-2030	
7.4 Anguniakkanut tunngatillugu qulaani pineqartut ukiukkaartumik anguniakkat ingerlatat anguneqarsimanersut nalilersuisorneqartassapput.	2023-2030	
Anguniagaq 8 - Aqutsisooqatigiinnik ineriartortitsinissamik pilersaarummik atuuttussanngortitsisussanik pilersitsineq		
8.1 Suleqatigiissitat (AG Tunu) ineriartortitsinermik pilersaarummik atuutsitsilertussatut akisussaaffilerlugit aqutsisooqatigiinngortinneqarput.	2024	
8.2 Aqutsisooqatigiit ukiumut ataasiarlutik marloriarlutilluunniit ataatsimeeqatigiittassasut ukiumoortumillu Naalakkersuisunut Inatsisartunullu nalunaarusiortassasut.	2024-2030	
8.3 Ineriartortitsinissamik pilersaarutip ingerlaneranik allannguutaasinnaasunillu nalilersuisarnissaq.	2024-2030	
8.4 Aqutsisooqatigiit pilersaarummik tamarmiusumik nalilersuinissamut akisussaassapput aamma 2031-imut siumullu nutaamik pilersaarummut missingersuusiussallutik.	2030	
Anguniagaq 9 - Tunumi sinerissamut qanittumi aalisarnermi ineriartortitsilluni nutaaliorlunilu suliniutinik aallartitsinerit		
9.1 Ineriartortitsinermi suliniutinut anginerusunut anguniakkanut 1-7-mut tapiissutit aalisartut, kommuni aamma ingerlataqartut allat suleqatigalugit suussusersineri.	2024	

Aallartinneqarsimannngitsut; aallartinneqarsimasut; naammassineqarsimasut




Ilanngussaq 2 - apersuilluni immersugassatigut misissuinerup inernera

Apersuilluni immersuiffissaq piffissami 27-29. april 2025-mi agguanneqarlunilu akissuteqarfigineqarpoq. Inuit tamarmik taamani Tunumi najugaqartut apersuilluni immersugassamik akissuteqarsimapput. Apersuilluni immersugassiaq 14-inik apeqquteqarpoq.

1. 1. Suna suliffigaajuk? (immersugassami piffissamik atuinerpaaffigisartakkat krydsileruk)

Inuussutissarsiutigalugu aalisartoq	14
Inuussutissarsiutigalugu piniartoq	13
Sunngiffimmi aalisartoq	0
Andet	1



2. Najukkat (krydsileruk)

Inoqarfik minnerusoq	8
Inoqarfik annerusoq	7



3. 3. 2024-mi aalisarnermut inuussutissarsiutigalugu akuersisummik pinikuu? (krydsiliigit)


Aap	14
Naamik	1






5. 5. 2024-mi aalisakkanut sunut inuussutissarsiutigalugu akuersissuteqarpit? (aalisakkat akuersissuteqarfigisatit krydsilikkitt)

• Saanuliit	14
• Qalerallit	14
• Kapisillit	3
• nipisaat	0
• Andet	0



6. 6. 2024-mi atorut suut atorpigitt? (aalisakkat akuersissuteqarfigisatit krydsilikkitt)

• Ningittakkat	12
• Qassutit	3
• Bundgarnit	0
• Qarsorsaq/amuartaat	8
• Andet	0



7. 7. Qassutit kvisittakkat Tunumi aalisarnermi atorqassappat? (krydsilikkitt)

• Aap	6
• Naamik	7



8. 8. Qulaani akissutit nassuiaruk sooq

[Flere detaljer](#)

12
Svar

Seneste svar

"Mianernarput imartatsinnut"

"misilinneqasuiisut misiligartalernissaat eqqarsaatigalugu"

"Qassutit uanga isimannit iluarunangillat aalisakkat innarlittarssimammagut"

...



9. 9. 2023 sanilliullugu 2024-mi aalisarneruit? (krydsiliigit)



10. 10. Angeruit, 2024-mi aalisarnerunernut suna sunniutaava? *ass. atortut nutaat, tunitsivinnut periarfissat pitsaannerusut, sikukinnerunera, aalisarnermut piffissamik atuineruneg*

5
Svar

Seneste svar

"Sikorsuit peqqutaapput imartaq illerneruvoq taavalu saarulliit tammaannassapput."
"Aalisaleramali ukiut tamaasa aalisarniarsariaannarpunga"

...

11. 11. Naaggaaruit, 2024-mi aalisarnikinnerunermut suna sunniutaava? *ass. sikoqarnerunera, aalisarnermut piffissat atuinninneruneg, allanik pingaarnerutitaqarneg, pisassakippallaarnera*

6
Svar

Seneste svar

"Sikorsuit peqqutaapput"

...

12. 12. Ukiut tallimat kingumut qiviaruit. Aalisakkat angissusiat ukiut tallimat matuma siornamut sanilliullugit qanoq ippat? *Ukiut tallimat matuma siornamut sanilliullugu aalisakkat pisariniartarneri ajornannginnerulersimappat ajornarnerulersimappalluunniit? Aalisakkat taamani pisarisartakkavit amerlaqataanik ullumi pisaqarniaruit aalisarnerusariaqartarpit aalisarnikinnerusarpilluunniit? (krydsiliigit)*

Massakkut ukiut tallimat matuma siornamut sanilliullugu aalisagakinnevoq...	6
Massakkut siusinnerusukkutut aalisagaqartigaaq	3
Massakkut aalisagaqarneruvoq. Siusinnerusumut sanilliullugu aalisagaqarneruvoq anginerullutillu.	6






13. **13. Ukiumik ataatsimik kingumut qiviaruit. Aalisakkat angissusiat siornamut sanilliullugit qanoq ippat? Ukiut tallimat matuma siornanut sanilliullugu aalisakkat pisariniartarneri ajornannginnerulersimappat ajornarnerulersimappalluunniit? Aalisakkat taamani pisarisartakkavit amerlaqataanik ullumi pisaqarniaruit aalisarne rusariaqartarpit aalisarnikinnerusarpilluunniit? (krydsiliigit)**

[Flere
detaljer](#)


- Massakkt aalisagaqarpallaanngilaq. Ukioq kingullermut sanilliullugu aalisagaqannginneruvoq. 10
- Siusinnerusukktut aalisagaqartigaaq. 1
- Aalisagaqarneruvoq siornamullu sanilliullugit anginerulersimallutik. 3



14. **14. Siunissat isigigukku. Aalisartarfitoqqanni ukiup tullia aalisarneq pitsaanerussangatippiuk ajornerulissangatippiulluunniit? Ukioq manna aalisarneq assigalugu aalisassaguit aalisakkat pisarisimasavit amerlaqataat pisarisinnaassavigit? (krydsiliigit)**

[Flere
detaljer](#)

- Ajortikkaluttuinnarpoq aalisakallu pitsaanerit nutaat amigaataapput. 0
- Aalisarneq ukioq mannatut issaaq. 3
- Aalisarneq pitsaanerulerpoq aalisakallu pitsaanerit ukiumoortumik pileriarporput. 11



15. **15. Oqaaseqaat: Siunnersuutitit, ajornartorsiutaasorisatit, isumakuluutitit isumassarsiatilluunniit iliuuseqarfigi neqartussatut isigisatit allaaserikkit**

[Flere
detaljer](#)

8

Svar

Seneste svar

"Sila sikorsuit apeqquataapput"

"Allatassaqaanngilanga"

"Saarulliit kg-lunut akii naamanngillat pisiassat orsissallu akitsoraluttuinnar... "

...